

«ՃԱՒԻՂԻ» տարեկան գինը 10 դրան, կէս տարեկանը 6 դրան: Առանձին համարները 5 շահի:

Արտասահման տարեկան 8 ֆր. կամ 3 բուրի կէս տարեկանը 5 ֆր. կամ 2 բուրի:

Արտասահմանից փողի համար պիտի գիրել հետեւեալ հասցեով. Черезъ Баку въ Энзели Россійской Императорской Миссіи въ Тегеранѣ пер. Бекъ-Назарову.

«ՇԱՒԻՂ» ԼՈՅՍ Է ՏԵՄԵՆՈՒՄ ՏԱՐԵԿԱՆ 50 ՀԱՄԱՐ ՇԱԲԱԹ ՕՐԵՐԸ

ՇԱՒԻՂ

«ՃԱՒԻՂԻ» խմբագրութիւնը բաց է 10-ից մինչև 2 ժամը. (բացի կիրակի և տօն օրերից)

Յայտարարութիւնները ընդունվում են ամեն լեզուով՝ իւրաքանչիւր քառիս մի անդամուայ համար 1 շահի: Արտասահմանի յայտարարութիւնները՝ քառիս 1 կապէկ: Նամակները, նաև Պարսկաստանի բոժանորդագրութեան՝ հասցէ. Rédaction «CHAVIGH» Téhéran. (Perse)

Ա Զ Գ Ա Յ Ի Ն Գ Ր Ա Կ Ա Ն Ա Կ Ա Ն Ե Ի Ք Ա Ղ Ա Ք Ա Կ Ա Ն Ծ Ա Բ Ա Թ Ա Թ Ե Ր Թ

ԲՈՎԱՆԴԱՅՈՒԹԻՒՆ

Հարկաւոր է մեզմ լինել. — Ներքին ՏԵՄԵՆՈՒՄ. Էլի Ուրմիայի հայերի մասին. Նամակ Ղազմիսին. Նամակ Ուրմիայից. Ներքին լուրեր. — ԱՐՏԱՔԻՆ ՏԵՄԵՆՈՒՄ. Մամուլի Տեսութիւն. — Արտաքին լուրեր. Խառն լուրեր. Հեռագրեր. Յայտարարութիւններ. — ԲԱՆԱՄԱՐԱՆ Նամակ Փարսիսին:

ՀԱՐԿԱՒՈՐ Է ՄԵՂՄ ԼԻՆԵԼ

II

Ինչ որ անցեալ համարում ասացինք, կրկնել ենք մի քանի անգամ էլ: Որ «Շաւիղը» սկզբունք է արել իրեն՝ չարիքը դիմակաւորած անելու համար չը հետեւել «մեղմ» կոչուող սխառմանը — դա արտափայլում է նրա իւրաքանչիւր տողից: Նա, շատերի պէս համոզւած է նրանում, որ եթէ սխալուողը մի անհատ է որի սխալը չէ վնասում մի ամբողջ հասարակութեան, կարելի է երկայնամիտ լինել — «մեղմ» լինել. բայց եթէ գտնվի այնպիսի իրողութիւնների առջև, որոնք սերունդներ ապականելու գործին մղում տան և որոնք հասարակութիւնը յետադիմեցնեն, նրան լիմարացնեն, եթէ գտնվի այնպիսի հաստատութիւնների կամ բարքերի ներկայութեամբ, որոնք հասարակական կեանքից տիղմ գոյացնեն և այդ

տղմի մէջ խորասուզեն սերունդներ — այն ժամանակ նա բացարձակապէս մի կողմ կը թողնի ստորութիւնից և վախկոտութիւնից գոյացած խոհեմութեան յատկութիւնը և ամենայն ոյժով կը յարձակվի այդ անձերի վրայ. որովհետեւ այդպիսի անձերից է, որ արտադրում է չարիք և իր ճանկերի մէջ առնում հասարակութիւններ: Ել ինչ էք ուզում. չարը այնքան խոր արմատ է դրել մեր հասարակութիւնների մէջ որ նրա գոյութիւնը դարձել է սովորական. նրա ապականիչ բնաւորութիւնը ըմբռնողները եթէ չասեմ մի քանի, գոնէ քիչ հոգի են. իսկ ընդհակառակն նա ունի իր վարդապետողներն ու ապօրօքիստները և մինչև իսկ նրան իբր «անհրաժեշտ» նկատող փիլիսոփաները: Սրանք երբեմն մինչև իսկ անշահաւէր և ազնիւ մարդիկ են լինում, բայց սերունդից սերունդ ապրած լինելով չարի ճնշման տակ, սնւած լինելով նրան իբր բարիք նկատելու բարոյականութիւնով, վտանգաւոր և վնասակար են համարում նրանց դէմ կռիւնը: Զանքերը և մինչև իսկ հասել են այն եզրակացութեան, որ այդ «չարիք-բարիքները» ազդութեան հիմքերն են, նրանց գոյութեան միակ միջոցը:

Իդուր չէր «Շաւիղը» այս տարւայ իւր առաջին համարում ասում հետեւեալ դառն ճշմարտութիւնը. «քանի գտնում է կեղտերը որպէս մաքրութիւն է՝ ընդունվում և vice versa»..... Թող չը կարծեն մեր ընթերցողները որ մենք պետիմիսա (յոռետեսներ) ենք, որ ոչ մի լաւ բան տեսնելու ախորժ չունենք և որ վարդապոյն իրերն անգամ մեզ սե են երևում: Ոչ այդպէս. մենք էլ կուզենայինք հրճել, ուրախանալ մեր հասարակական լաւ կեանքով, ներել թեթեւ սխալներ, մեղմութեամբ վարել տղայամիտների կամ լիմարների հետ, շատ-շատ, յորդորել անկարներին որ հեռանան ասպարէզից... Բայց մեր գործը ախր լիմարների, սխալ գործողների կամ ապկարների հետ չէ միայն. ոչ, մեզ շրջապատել և մեր արիւնն ու համբերութիւնն են ծծում, մեր ոյժն ու մեր եռանդն են մարում աւազակներ, լիբը խաբեբաներ և սերունդներ կեղտի մէջ թաւալեցնելով՝ օդաւել կամեցող խմբեր... մեր մէջ ոյժ են ստացել ամեն տեսակ գառնազգեստ գայլեր, կրթութեան դրոշով խաւար սփռողներ և կողոպտողներ, լրբութեամբ ստող «ճշմարտախօսներ» և ամեն տեսակ սրբութիւնների տակ ապաւինած

և յանուն նրանց՝ մեր ալլասեռութեանը նպաստող դասակարգեր... Մեզմ վարել դրանց հետ լուել, շուրջ նրանց. էլի խոհեմ լինել, «կամաց-կամաց» շարժել... Ինչ կը հրամայէին մեզ անել այդ բարեմիտ «խոհեմները», երբ գտնվէին օրինակ այսպիսի իրականութիւնների առջև: Բաւական ժամանակ է որ Ատրպատականի առաջնորդ է նշանակւել մի եպիսկոպոս, որի բոլոր գործունէութիւնը կայանում է նրանում, որ մատների միջից է նայում իր ձեռնադրած և Սալմաստ, Խոյ կամ Ուրմիա առաքած հերոսների քաջագործութիւնների վրայ: Այդ հերոսներն էլ իրենց կարգին կողոպտում, գերբռնում, պղծում են ամէն հաստատութիւն, արգարութիւնն են պաշտպանում՝ նրան բռնաբարելով, կրթութիւնն են տարածում՝ նրան իբր կողոպտելու միջոց գործածելով և որոնք, ընկերական հաստատութիւններ — ամուսնութիւն և այլն — ձեւերը պահպանել կամեցողներին խիստ թանգ, արեան գնի են նստեցնում: Բացի նրանից որ այդ առաջնորդը տարին մի քանի հատ անտաշ — ապիկար անձերի հացի տէր դարձնելու բարի միտումով քահանայ

Բ Ա Ն Ա Ս Ի Ր Ա Կ Ա Ն

ՆԱՄԱԿ ՓԱՐՏՈՒԻՒՆ

Սիրելի Փարսուկ. Գիւրթը կառթացիմ. չճըբես տիւնիկ, հալ քիւլը քցիլրես Սալմաստ. մկա վար տեղ ըլէսեն — նստեսեն, քիւ խօսիլի. ընձիկ են մուգամաթ անէլի. ասէսեն քիւ ընկերը ծըղվիլի, տաւաղտիլի, կաղէթի մեղը վիլը խապիլի Գիւրթի. մնացիլ եմ չիվար — սարկաղդան. մէ մառթ չըկայ ասի տիւ ետը, տեսուլը ետը, տիւ ետը կարքատուլը ետը. տիւ մէ ետընչի-փաւան, պատ տրօղ, քիլի թիւ քիւ գուռնա փեղը. տիւ չ'եսնալի տանց զմէն մէկը-մէ կոտտեն. ապօլիւր ես, կանօս մէկ էլ ետաւա կըզնիլ տանց ձեռէն: Էն Սիւլիսանը, ես չ'նմէրնալի ինչու մկա, որ տիւ կիլը — դաւամ գիւնաս, տիւ ես էր պաւաս, ընկար մրոտօղքէրու շարգան. պանքերը զգլմաւ: Տնաւեր, քեզի գօրայ իշ կայ, վարթըպետը կշտէն ինչի կախի, փշտօվ եա ջղդան. եա չէ տեսուլը մրուրը բիգացուցիլի. վազ տանցը քաշիլի մէղան, թօ օփտէն ըկայ, տիւ չ'եսնալի, տանք ըմէն մեր իշխանքէրու օյնիւնի. «էլը խանիլ են տնիսը էլ չ'եննալի էլուցիլ»: մեր իշխանքերը մառթ ըլնէնք, էտ շաթու-քասանքերը չ'ենէր լսվի Սալմաստ, տայնը-վրայ

անի. Մէ հաւուր թօ քիւ ասածը ըլի, որ տանք էկան Սալմաստ մուտիւն, բը մեր ճօշերու արածը ետըլի. էտ օխտը տարի ի, ասէսեն կիտը մէ ճօշ վարժատուն չ'ինէնք Սալմաստի մէջտեղը, վար-քասը ծօղնեն, օխտը լեզու մֆթայ կառթան: Ասէսեն կիտը մէ ճօշ տեղ չ'ինէնք թատրօնի խմայ: Ասէսեն էր կիտը մե օթաղ չ'ինէնք մէլը լիւրը թուտ լցնէր, խալ խը էթայ մֆթայ կառթայ. բը ետըլի տանք. անշաղ ճօշ-ճօշ փրթիլ գիւնան. Սրէկ ձուզի լաճը կիլիլ էր Մօսկով ինան Բազու, եսնամ հանդըդայ փօղ կայ, իշկասեն տանցը, այամ մէ գատ բաշլամիշ անեն, խայր խաղար մանէթ կօրօսկեն. բնչի չեն անիլի. թօ մե իննեն պանի տէմը, վալլա, հէնց անփօղ կշինէնք. մէշկամ վար կեղը խայր սարակ չի տայ, վար կեղը սէլիլը չի լծի քար-կիր կըրի. հալա իսկի գատ չըկայ, եռանդ ճէր Ավտիքը չուն էր կօի, ասէն էր կիտը մեր կեղը չ'ինվի. Ղալասարցիներն էլ ասէմենէր կիտ մեր կեղը չ'ինվի: Վազ գիւնայ ինչ են գուրցալի: Տնաւեր, քեզի գիւրայ իշ կայ, «զուէթը նստիլի քարին լալի», ինչ ուզեսեն թօ անեն. քեզի հուշտ են արի քցի մէղան, գինքերի բէրըները սրփիլեն, քաշիլը են ետ: Չ'ար ունիս, քէլի ասա, ախպէր, ինչի էք

կազէլի, նը քիւ ասածը նը դանցը, ետըլք վարժատունը չ'ինէք Ղալասար ինան Փայա. Չուզի մէջտեղը, մէ քանի օթաղ աւել չ'ինէք էն գատ տեղրանքի տղները իկան մնան քիչերքերը սաղ: Գիրիլ ես տեսուլը ինան վարթպետը թուտ են շուկացուցէլի. աւշիլը, խողը լցնմ տիւնց կօտիւ, որ քիւ լմանքէրու ձեռքաշիւուն մուխտաջ չ'են, ինչի կիտը մէ գատ արած չ'են, որ էսօրվան օրը գիւրքերը չար-նաշար ուրենցը կիւփան. բիւն անեն, վազ խաւաւ, թիլքից տիւնց իրենը, մըկայ թուտ են չ'ինէլի, որ օրօսկեն Թֆիլդ, կիլեն կաղէթի մէշը, կաղէթը իկայ Սալմաստ, խալիլը կառթան, ասեն ետը տե, ամնք մէ գատ են էլի, մենք չ'ենք գիտիլ. այ, չես ալլատա, կառթա Թֆիլդ ճօշ կաղէթը: Խա, մտէս կիւնաց, մէ գատ կիտը խաղուցնմ էր, էն որ կէրիլ ես էր, որ ճօշ առաշնորթը մէ «կօնձիստօրի» չ'ինի, ես չ'խաւիցամ. ետըլ ինչի չ'ինի, եա իշխանի. եա չէ կօնձիստօրով իշ կանեն. մեխկա իշ պալեմ, տարմէն խիլքս գատ չ'կուց. մէյն էլ կիլիլ ես էր, ճէր Ակօփին ինան ճէր Միւտիլին, կիտը անի կարկատիլ, կառթացիմ, չ'կառթացիմ, զարպանդա կոխեց, ասիմ չըլի տիւնցըն էլ օրօսկի Սալմաստ. անունը կարքատուր ետըլի եմ ասէսեն էթաւ. Ետաւ. Ետաւ.

խանէն էնդըդա չ'եմ վախենալի իշ կառթաւր իշէն ինան տեսուլէն. անընքերը լսիւն Գիրիստոս աման... եմ ասէլի. Մէ մազալու գատ ասեմ, էրէկ լսամ, որ քիւ կիրածը սեւացուցիլին էր, վրան քիւսուրով ուրենց շաքլը քաշիլ են էր, կաղէթի չորս թիւը անընքերը կիլիլ են էր, տրիլեն էր ետեն էր օրօսկի Թէհրան: Մէվաի էա, բէնա Մուխի Գուլօնց Օհանէսին էլ ծովեցուցիլ էա. տրիլի ուր կաղէթը ետի օրօսկի, խեղճ կաղէթ կեթօղին եքա դիւն կ'կպի. զո՛ր չը ծովեմ, տանք ըմէն քիւ պանի: Խուլասա, էդ թուտը քիւ ձեռը խանեւ լուն մի երկու ապսպրանք ունեմ կիւսուցես տեղը. Սալմաստի իշխանքերուն ասա թօ մըղայաթ ըլն վարժատան փողը բանը չըցնեն էտ տէն ըկացողքերու ձեռը: Տեսուլ ինան կարքատուրիլի էլ ասա — խէրիլ, Սալմաստ լուսաորովաւ, քէլէք մըղայ ձեռ երկիլը լուսաւորեցէր. Գեզիկ էլիմ ապսպրանքը էդ ըլի որ մէյն էլ կաղէթ չ'կեթես ետիսա որ լսեն, էր ունդ կըլմեն տիւ գիւնաս որ քիւ թաղիլթը իմնի քո արուրը իմն. վախենաս եմ տեսնը քո դիւլը ուտեն: Դժօլի Գիրիլոր.

(խաւար լսուլը Ետաւ. Ետաւ.)

է ձեռնադրում և ասպարէզ հանում, բացի այն որ իր ստեղծած «կոնսիստորիան» մի կողմէ կապակցուած հարստահարող մարմին է կազմում, բացի այն որ ինքը—առաջնորդը ներկայանում է որպէս մի լիովին անընդունակ մարդ վարչական գործերում, այլև իրեն նմանները և աւելի վատերը՝ ձեռնադրելով որպէս վարդապետ—փոխանորդ, որպէս քահանայ գործակալ և որպէս կրթական տեսուչ՝ աւարի է սփռում Ատրպատականի ամենախոր անկիւններն իսկ, այնտեղ ծծելու և մրգելու համար հայ ազգաբնակչութեան մէջ եղող հիւսիս վերջին կաթիլները, «վասն ամենամեծ փառացն եկեղեցւոյ» և յանուն կրթութեան:

Այդպէս, Դավթեփի խմբագրութեան եկած ոչ մի թղթակցութիւնը ուրախացուցիչ չէր չէր բերում. մէկը թուում է տալիս գործերը, միւսը գանգատում է լեռներից հաւաքած և քահանայի վերաբերու հազարած արարածներից, երրորդը մեզ հաղորդում է որ երիտաւաղութիւնը Բաքուի տաճարում ազգասիրաբար խուսկ է ծխում, իսկ չորրորդը յայտնում է որ դպրոցներն էլ ազատ չեն մշտակալ կռիւների ասպարէզ գառնալուց...

Ինչ անել այդպիսի իրականութիւններ տեսնելով. մեզմ լինել, թէ լուր կամ ըստ «խոհեմ» անձերի «կամայ-կամայ» հարեա՞ծ եւ...

Դառնանք այժմ մի ուրիշ կողմ:

ՆԵՐՔԻՆ ՏԵՍՈՒԹԻՒՆ

ԷԼԻ ՈՒՐՄԻՇՅԻ ՀՅՑԵՐԻ ՄՍՍԻՆ (Մի օրինակի գրած)

Եւ ի՞նչ ուզում գրել. բայց չէ որ առաջ հարկաւոր է ասել թէ ո՞վ եմ եւ որտեղից եմ գրում. դրա համար էլ, ես մի ուրմիացի օրինակ, կը կամենայի մի քանի խօսք ասել այն ժողովրդի մասին, որի գաւազներից մէկն էլ ես եմ:

Մի ձանձրանալ խնդրեմ, առաջուց ստում եմ որ երկար չեմ գրիլ. ձատերը գրել են Ուրմիայի մասին, բայց ախր ուրիշ բան է մի տղամարդու, ուրիշ բան է մի օրինակի գրած:

Ամենից առաջ մի քանի խօսք իմ մասին:

Այս ամառ քննութիւններից յետոյ գնացի Ուրմի ծնողացու այցելութեան. հինգ երկար տարիներ են անցել այն օրից, երբ ես հեռացայ իմ հայրենիքից՝ Ուրմի գաւառից. թէ եւ իմ գրականաման հայրենիքից հինգ տարով քաղաքայ գանձիլը անուանելի և Պարսկաստանից, գլխաւորապէս յետոյ գաւառացի օրինակի համար տարօրինակ երևոյթ էր, այնուամենայնիւ սիրով տարայ գրկանքներ, թուր, մուր, նախատինք իմ հայրենակիցներից, որովհետեւ նրանց կարծիքով շատ ամօթաբեր բան է մի օրինակի համար, հեռանալ իր հայրենական օճաղից, իր ծնողների մօտից, նրանց անմիջական հսկողութիւնից. բայց ինձ յաջողեցաւ, բազմի բերմամբ, ընկնել Դավթեփ. բողոքականաց օրինակից զուրկ ընդունեցայ գիշերօթիկ ուսանող բոլոր ծախսերս դպրոցի հաշուով, թէպէս ծրարաւ այնքան հարուստ են, որ ամենայն գիւրդութեամբ կարող էին իմ բոլոր ծախսերս

հոգալ ոչ միայն Դավթեփում, այլ և մինչև անգամ արտասահմանում: Այս խոստովանութիւնով ես նպատակ ունեմ ցոյց տալ մեր պարսկաստանցի ծնողաց վերին աստիճան տղիտուլութիւնը. նրանց աչքերը այնպիսի թանձր քողով է ծածկուած, որ իրենց գաւազների կրթութեան համար փող ծախսելը բոլորովին աւելորդ, աննպատակ ծախս է համարվում. իսկ աղջիկ գաւազների համար սա մի չը լուած, հրէշաւոր բան է. ես գիտեմ, պարսկաստանցի մեր ծնողները կը վերաւորվեն այս խօսքերից, բայց ինչ արած, դա մի անուրանալի ճշմարտութիւն է, իսկ ճշմարտութիւնը թաղցնել ամօթ է:

Ուրմիոյ 300 տուն հայերը, բացի մի քանի ընտանիքից որոնք բնակւած են քաղաքում, ասորի և թուրք ազգաբնակչութեան հետ խառն ցրւած են Ուրմիայի գիւղերում և գլխաւորապէս պարսկական են երկրագործութեամբ, այգեգործութեամբ, արհեստներով և խաբարայութեամբ կամ խաչագողութեամբ, որ այս վերջինները խումբ—խումբ, ամեն տարի ընկերակցութեամբ ասորիների, գիւմում են Ռուսաստան՝ թափառելով գիւղից—գիւղ, մի քանի անգիր սերտած «Ալեյուհա սոխ ու ծխոտ» քառերով սղէտ ուսանելին խառն, խաբարում և հարուստ աւարով, կողպուտով վերադառնում, սնուտի կեր ու խումով փշուցնում և, ինչպէս իրանք են ասում՝ քամուց եկածը, քամուն տալիս, ու կրկին գիւմում նախկին արհեստին. սրանք իրանց արհեստով անարգված են ժողովուրդից և ամենաաղքատն են:

Իսկ առաջինները՝ շնորհիւ իրանց ընտրած պարսկականների և բարեխնամ Վեհ. Ջահի մասնաւոր հոգածութեան՝ տնտեսապէս ապահովւած են, և իրենց աշխատութեան արդիւնքը հետզհետէ բարձր է գնահատվում:

Արգասաւորութեան, պողպատութեան կողմից Ուրմի գաւառի հողը Ատրպատականում առաջին տեղն է բռնում. գարնան սկզբից մինչև աշնան վերջը ամբողջ գաւառի ազգաբնակչութիւնը բուռն եռանդով զբաղւած է գաւառի գործերով, իսկ իրենց աշխատանքի հասոյթը հաւաքելուց և աւելորդ մասը ծախելուց յետոյ, բոլոր ձմեռը ասորի և հայ ժողովուրդը, նախնիքներից մնացած՝ դարեւոր մարմնացած սովորութեան պէս, անձնատուր են լինում գաւառութեան, թեպէտ քիչ չի պատահում, որ միւս եղանակներում տօներին մի քանի օրեր գործադուլ անելով՝ քեփ ուղովի ետևից ընկնեն: Այնչափով ժամանակներից մնացած մի սովորութիւն է տիրում Ուրմիոյ քրիստոնէայ ժողովրդի մէջ որ գարնան և ամառվայ ժամանակները մի մի, շաբաթով թէ քաղաքի և թէ գիւղերի ժողովուրդը մեծ պատրաստութեամբ դուրս կը գան դաշտը և կեր ու խումով հազարներ կը վառեն, ջահիլ օրիորդներն ու երիտասարդները խառն ի խուռն թէ թեւի տաճ՝ պարսկական աններդաշնակ նաղարայով քրդական եղբի կը խաղան. պատահում է, որ մի քանի հայ կամ ասորի օրիորդներ փախցնում են հայերը, ասորիները և երբեմն էլ լեռնաբնակ քրդերը կամ յօթինները, հէնց մի այսպիսի դէպք պատահեց անցեալ ամառ և ես ականադրեա եղայ:

Թուրքերի, ասորիների և հայերի հագուստի տարազը նոյնատիպ է, արտաքուստ ոչինչով չեն զանազանվում միմեանցից, իսկ տիրող լիզուն գրեթէ ասորերէնն է որովհետեւ գաւառի ազգաբնակչութեան մեծամասնութիւնը

կազմողն էլ ասորիներն են բացառապէս. թուրքերն անգամ խօսում են ասորերէն, ուր մնաց մի բուռն հայերը, որոնք ցրված խառն բնակված են նրանց հետ գիւղերում. հայերի և ասորիների խնամութիւնը վաղուց ընդունված մի սովորութիւն է:

Կրթական գործը Ամերիկացի միսիոնարների շնորհիւ ասորիների մէջ շատ ծաղկած է, բայց ցաւօք սրտի պէտք է նկատել, որ դարեւոր ստրկացած, ճնշւած խեղճ ասորի ժողովուրդը անցեալ 50 տարիների ընթացքում չի հասել ինքնաճանաչութեան,.... հետեւապէս և մինչև այսօր նրանց բոլոր գործերը ղեկավարվում է միսիոնարների ձեռքով, իսկ հայ նախապաշարված ժողովուրդը, թէ եւ մեծաւ մասամբ խօսում է ասորերէն, զգում է նրանց լիզուից, չի ուղարկում իր գաւառները ասորիների ուսումնարանները, որովհետեւ առասպելների վրայ հիմնված է թէ՛ հայերէնէ գրախտի լիզուն, այսպէս դեռ մնում է իր նախկին անկրթութեան մէջ:

Վերջին տարիներս նախանձելով ասորիների վրայ, հայերը առանձին սիրով են վերաբերվում դէպի կրթական գործը. ամբողջ գաւառում չորս ուսումնարան կայ. մէկը քաղաքում, որի գոյութիւնը առաջինն է, բայց այս տարի սուսուցիչ չը գտնելու պատճառով փակւած է. երկրորդը՝ նախկին-Թափայում, որի գոյութիւնը երկու տարի է, սա եւս տարւայ սկզբից ուսուցիչ չունէր բայց ինչպէս լուր է եմ պ. Մ. Բաղդասարեանց որմամաստ գաւառում որբանոց պիտի բացէր, եւ չի յաջողվում, այդ գիւղի ուսուցչութիւնը յանձն է առնում. երրորդը՝ Իսալու գիւղում, և չորրորդը՝ Ռահվա գիւղում. վերջինս բողոքականների կողմից է. տղայոց ուսումնարանին կից կայ և օրիորդաց ուսումնարան. ցանկալի էր որմիւս գիւղերն օրինակ առնէին վերջինից և օրիորդների կրթութիւնը աշխատող չանէին, որովհետեւ ազնիւ, կրթւած սերունդ պատրաստելու համար, երկու սեռի կրթութիւնն էլ անհրաժեշտ է:

Աշակերտունի

ՆԱՄԱԿ ՂԱԶՎԻՆԻՑ

7 Մարտ 95

Ամսոյս 1-ին տեղի ունեցաւ տեղոյս ուսումնարանը վերաբացելու երրորդ ժողովը, որին ներկայ էին Ղազվինի հասարակութեան մեծամասնութիւնը: Ատենը բացուեց Եղբարք Թումանեանց տեղոյս գործակալ պ. Աւագ Մելիք Յովսէփեանցի մի կարճ ատենախօսութեամբ. բացարձակ քւէարկութեամբ հոգաբարձու ընտրուեցան պարոնպէր Ա.—Մելիք Յովսէփեանցն ու Գրիգոր Տէր Յակովբեանցը:

Հոգաբարձութիւնը անմիջապէս ձեռնարկեց մի հանգանակութեան և տեղոյս վաճառականական երիտասարդ գործակատարների կողմից ստորագրուեց ի նպատակ ուսումնարանի մօտաւորապէս 250 թուման: Բացի դրանից մի քանի անձինք տարեկան տուրքեր ընդունեցին: Ուսումնարանը բացուեց մի առ—ժամանակեայ ուսուցչով:

Գովելի է նորընտիր հոգաբարձուների ցոյց տուած եռանդը: Ինչպէս տեսնում ենք, այս անգամ ամեն բան կանոնի տակ է զրգում և Ղազվինցիները ա-

մեն միջոցներ չեն խնայում իրանց փոքրիկ ուսումնարանը կալուն պահելու համար:

Սեհոն

ՆԱՄԱԿ ՈՒՐՄԻՇՅԻ

12 մարտ 85

Այս օրերում լսում ենք, թէ Արսէն վարդապետը Սալմաստից գալու է այստեղ. թէ ինչ նպատակաւ յայտնի չէ. դրա համար պատրաստութիւններ են տեսնվում թանկագին (1) հիւրին ընդունելու:

Արգեօք բերելու է նախ ուղեղից դուրս եկած ծրագիրը. կարծեմ ուզում է ուրմեցիներին էլ չ'զգրկել իր բարեշնորհումնէլից, իր հանրագում (3) կարգադրութիւններից. խեղճ, ուղորմելի ուրմեցիներ, ինչպիսի խաթաբալանների էք հանդիպում. խաթաբալանների, որոնք հիմնովին աւերում են ձեզ բարոյապէս և նիւթապէս, որոնք քանդում են ձեզ, ձեր հաւալ, քրտնքի աշխատածը խլելով ձեզնից. ապրի, շատ ապրի առաջնորդ իր ձեռնադրած և Ատրպատականին նւիրած այդ նւէրների համար. յայտնում ենք շնորհակալութիւն:

Ուրմիոյ գործակալն էլ հօ Աստուած հեռու տանի. էլ չը մնաց միջոց որ չը գործադրէր իր եռանդը Սրբազանին կամ այս ինչին, այն ինչին յայտնելու համար: Այսօր այս ինչ գիւղումն է, միւս օր այն միւս գիւղումն: Ի՞նչ մեռել չ'մնաց որ չ'թաղէր. հօ կենդանիներն էլ հոգւով մարմնով է թաղում. մի ուրմեցի գիւղացի հարցնում էր ինչ անից. «միթէ դորան առաջնորդը ուղարկել է այստեղ մեռելաթաղի պաշտօն կատարելու». բա ինչ անի.... պատահականացի ես. չէ որ մի գործով պէտք է պարապի. լինի այդ ազնիւ, կամ թէ անազնիւ:

Գործակալը մի քանի գիւղեր իրեն դէմ է գրգռել իր անտանելի տմարդի վարմունքով. օրինակ Կէրտապատ հալաբնակ գիւղը սաստիկ ատում է նորան և նշանակութիւն չի տալիս նրա Ուրմիում ունեցած ներկայութեան. թէ ինչ է պատճառը՝ ահաւասիկ. լիշեալ գործակալը միացած վերոյիշեալ գիւղի տէրտէրի հետ, տանջում է խեղճ գիւղացիներին յւր սովորական չ'հաս չ'հասները՝ շարունակելով և ստիպելու նրանց աւելի փող վճարելու, քան իրանց կարողութիւնը, նիւթական միջոցները ներում են. ահա այսպէս, միացած խաւարամիտ միջնադարեան տէր տէրի հետ, նրանք գործում են յօգուտ իրենց քնակին և ի վնաս հարստահարող, թշուառ գիւղացիներին—իրանց արեւնակից եղբայրներին:

Եւ այդ գործունէութեան տէր մարդ ահա թէ ինչ է գրում իւր մի նամակում սրբազանին. «սրբազան հայ Ուրմիոյ գիւղերը չափազանց կարօտութիւն ունին գաղափարական քահանաների և այլն»: Արգեօք, զարմանալի չէ սիրելի ընթերցողներ, որ մի կողմ, իրեն աչքերը բացւած կարծելով (միայն երազում) իւր կոյր ընկերի աչքերի համար

էլ բժիշկ խնդրի: Ահա թէ ինչ է խնդրել մեր կողմը *): շատ ծիծաղելի է:

Գործակալը իր լատուկ կեղծաւոր քաղցր խօսակցութեամբ մեծ գործ է տեսնում պարզամիտներին դէպի իրան քաշելով և իրան միայն լատուկ, «Հոսահոսական» ազդեցութեամբ ներգործւած բնաւորութեամբ, իր անընդունակ, անմիտ քարոզչներով իրեն զաղափարական է ուզում ձեռնարկել, «ինքնաճանաչական» զաղափարներով (միթէ ինքը գիտէ թէ ինչի մէջ է կայանում ինքնաճանաչութիւնը կամ թէ ինչ են «ինքնաճանաչական» զաղափարները) երբեմն անկապ, հատուկորո խօսքերով բացատրած անմիտ քարոզչներով կամենում է իրան ժողովրդականացնել և քաջաբար գուրգուրելով եկեղեցուց, հարցնում է թէ ինչպէս էր, լաւ էր: Լըջաբար խորհուրդ կը տալինք նրան, իւր առաջին գործով պարապել, քան թէ ինքնաճանաչութեան վրայ անմտաբար բարբառել: մեր համեստ խորհուրդն էլ այս է որ զաղափարի մասին այն ժամանակ բերանը բացի, երբ լաւ կարող է ըմբռնել նրա նշանակութիւնը, որովհետեւ նրա բռնած այդ ընթացքը մեղանշում է զաղափարի դէմ: Աստուած գրաւ կորած խելքը գլուխը բերի:

8.

ՆՆԵՐՔԻՆ ԼՈՒԻՐԵՐ

Պարսից Նովրուզի (Նոր տարի) օրը, խմբագրութիւնս շնորհաւորական նամակով դիմեց Մամուլի նախարարութեան Ասեմ. փոխ նախարարին, լայտնելով բարեմաղթութիւններ և երախտագիտութիւն, նորա առ հալ մամուլն ունեցած մասնաւոր շնորհների համար: Խմբագրութիւնը ստացաւ Ասեմ. փոխ նախարարից հետեւեալ ինքնագիր պատասխանը: «Սիրելի բարեկամ: Նովրուզի աւելիով Զեր սիրալիւր շնորհաւորութիւններն և բարեմաղթութիւնները շատ ուրախ և գոհ արին մեզ: Ցանկանում եմ որ Զեր և ձեր ազգիկն ևս միանգամայն, այս նոր տարին շնորհաբեր լինի և նպաստաւոր և որ ձեր օրերը միշտ առողջութեամբ և ուրախութեամբ անց կացնէք»: Ստորագրութիւն և կնիք՝ Մօջիրէ-Գօվէ:

Դպրէժից, նորակազմ Հայուհեաց ընկերութեան մասին հաղորդում են մեզ հետեւեալ տեղեկութիւնները: «Ժողովներից լետոյ ընդունել է նախօրօք մշակւած մի կանոնագիր և ընտրել են վարչութեան անդամներ: Կանանց այդ ընկերութեան գլխաւոր նպատակն է 1) Բերդաթաղում բռնալ մի կար ու ձեւի արհեստանոց: 2) բանալ մի մանկական պարտեզ և 3) հոգալ Ս. Աննայեան դպրոցի չքաւոր աշակերտուհիներին դասական պիտոյքը: Անդամահարկը՝ 100 ֆրանկ:

*) Այս նամակը տէր հայրը ինքը կարդացել է ինձ մօտ:

վճար է նշանակւած տարեկան 2 թուման: Յառաջիկայ տարին (լատ մարտ 3-ի ընդհ. ժողովին) կը սկսեն գործադրել առաջին և վերջին նպատակները: Մի ամսուայ ընթացքում հաւաքւել է 320 թուման անդամավճար:

Նոյն տեղից գրում են, որ թեմական առաջնորդը իր նոր ձեռնադրած մի քահանայի համար ուսուցիչ է վարձել որ հայերէն սովորեցնի: Այդպիսի 2 քահանայ էլ շուտով պիտի ձեռնադրւին մէկը Ալեքսանդրի, իսկ միւսը Ղարադաղի համար:

Նոյն տեղից գրում են, «Ընթերցողաւ ընկերութիւնը» մի երեկոյթ տուալ յօգուտ նոյն ընկերութեան, մարտ 11-ին: Երեկոյթը որպէս գրում են մի քանի թղթակիցներ—յաջող է անցել: Թղթակիցներից մէկը հաղորդում է որ փողոցի պատերի վրայ խայտառակող լայտարարութիւններ էին կպցրել վերոյիշեալ ընկերութեան մասին:

Չը գիտենք որքան ճիշտ է, բայց մեզ Դպրէժից հաղորդում են որ թեմի տնօրէնը իր ամբողջ սեփականութիւնը Սալմաստի գործակալով և տեսուչով, մտադրել է հրաժարական տալ: Աւելի լաւ է ուշ քան երբէք: Թեմական տնօրէնը պարտաւոր էր շուտով տանել այդ և պատել թեմին իր և իւրաքանչեւ ինքնին... հեռանալովը:

Կովկասի թերթերը հաղորդում են որ վերջապէս թեմերը ազատւեցին մի եպիսկոպոսի ձեռքից, որպիսին էր Կիւրեղ եպիսկոպոս Սրապեանը: Այդ մարդը հարկներից մեռել է Նոր Նախիջևանում: Եթէ եգիպտական դատաստանը գոյութիւն ունենար, արդեօք ինչ պիտի անէին այդ կեանքի մէջ բացի անպիտանութիւններից, ոչ մի օգուտ չտուող կրօնաւորին: «Արձագանքը» արտասուքըն աչքերին ողբում և վալում է նրա մահը: այդ արդէն ցոյց է տալիս թերթի ինչ լինելը:

Ն. Վ. Թագաթաւանդ իշխանը ամսույ 30-ին կը մեկնի Դպրէժ:

Վաղը Կիւրակէ, Դարվազա Ղազվինի եկեղեցում տեղի է ունենալու Ազգային կոչւող Հոգաբարձութեան քէտարկութիւնը, առանց ու է նախնական ժողովի: փոխտնօրէ վարդապետը միմիայն նա մակներ է գրել ամէնքին և հրաւիրել որ 9 հոգու անուն գրեն և իրենց քէտները ուղարկեն կամ տանեն տուփը ձգեն: Այդպիսի ընտրութիւնը առաջացնելու է շատ անտեղութիւններ: Ինչով կարելի է երաշխաւորել որ ընտրողները չեն հրաժարւի, քանի որ սկզբից ընտրելիներ չեն առաջարկուած: երկրորդ, ով է պատասխանատու որ քէտհամարը կը կատարվի ճշտութեամբ քանի որ ժողովրդից ընտրութեամբ:

մարդիկ չեն որոշւած դրա համար ևայլն ևայլն: դեռ չենք հաշվում այն, որ քէտները կարող են կամ շատ ցրւած լինել և կամ տրւել այնպիսի անձերի, որոնք միմիայն զաղափարակիցներ չեն և չէին կոսենայ միմիայն հետ գործել: Ընդհ. ժողով էր կարեւոր գումարել ընտրութեան ձեռնարկելուց առաջ: հետաքրքիր է թէ քէտարկութիւնը ովքեր դուրս կը գան մեր ամէն հասնողի ձեռք խաղալիք դարձած հրապարակի վրայ արշաւելու համար: Հետեւանքի համար կը խօսենք յաջորդ անգամ:

Սպահանից գրում են, որ ամսիս 11-ին, երկու տարուց ի վեր հաստատած Որբուհեաց խնամակալութիւնը իր երկրորդ տարեդարձի հանդէսը կատարեց Ս. Կատարինէ Օր. դպրոցի 37-րդ տարեդարձի հետ միացնելով: Հանդէսը շքեղ անցաւ, սրահը լիքն էր կանանց բազմութեամբ:

Դպրէժից, Արամեան դպրոցի տեսուչի համար տխուր լուրեր են հաղորդում մեզ. եթէ այդ լուրերն ճիշտ են, ինչու համար դպրոցի հոգաբարձութիւնը տեսուչ վարձելու ժամանակ, փոխանակ դիմելու զանազան վաճառականներին, չէ գիմում ձեռնհաս հաստատութիւնների և կամ ինչու չէ հետաքրքրվում տեսուչ լինելու անձի ուսումնական ցենզովը: միթէ հոգաբարձութիւնը կարծում է թէ ամէն մի հասարակ դպրոցից ելած անձի գործ է տեսուչ լինել Արամեան կամ որեւէ այլ դպրոցում: Յոյս ունինք որ ապագայ տարւայ համար հոգաբարձութիւնը ունի լաւ կ'անի իր ընտրութիւնը:

ԱՐՏԱՔԻՆ ՏԵՍՈՒԹԻՆ

ՄԱՄԱՐԻ ՏԵՍՈՒԹԻՆ

Եւրոպական շատ լրագիրներ, ի թիւս որոց «Figaro» և Նիւ-Եօրքի «New-York-Herald»-ը, երբ Ֆրանսական մի քանի լրագիրների շանտաժիստութիւնը բացւեց, կ'ծու լեզւով և զայրացկոտ բառերով սկսել էին ամէն տեսակ նախատինք ուղղել այդ «փողի համար ճշմարտութիւնը ծախող խաբեբաներին, աւագակներին»... Եւ մարդիկ ասում էին— «Օ, որքան լաւ, ազնիւ լրագիրներ են այդ «Figaro»-ն և «New-York-Herald» Անցնում են հազիւ մի քանի ամիս, Ֆրանսական թերթերի շանտաժների դատը դեռ չէ վերջացել և ահա նոյն այդ «Figaro» և New-York-Herald-ը: հազարներով կաշառք են վերցնում, որ ճշմարտութիւնը ուրանալով, հայերի մասին վատ խօսեն, նրանց պարտաւեն և Հայաստանում եղած աղէտների մէջ անգամ նրանց մեղաւոր ճանաչեն:

Կաշառւած թերթերն են, Figaro, Berliner Tageblatt—այդ հրէական զճուճութիւն բուրդ թերթը—Նիւ-Եօրքի «New-York-Herald» լայտնի լրագիրը, որ 10000 տալէր է վերցրել մի բուռ թշուա հայերի մեղաւոր ճանաչելու համար ամէն բանի, ամէն բա-

նի մէջ... Բօսթօնի «Herald» թերթն է միայն, որին առաջարկւած լինելով 5000, մերժում է հետեւել իր անազնիւ պաշտօնակիցներին...

Բաւական չէ այդ. մի ոմն էլ Քսէմէ-նէս անունով, ԴօնՔիշօտի հայրենակից, անշուշտ բաւական փող ստանելով, Անգղիա ոտքի տակ է տալիս, հայերի դէմ է գործում թէ զաստիստութիւններով և թէ բրոշիւրներով... Ականջիս են հնչում «Պատուտում» Մեֆիստֆելի երգի սոյն տողերը:

Le Veau d'or est toujours debout
On encense, Sa puissance.

Ոսկեայ հորթն է միշտ կանգուն.

Իւ խնկում են նրա զօրութիւն

Բարեբաղտաբար լուրջ և ազնիւ թերթեր մնում են դեռ, որ տնկաշառ են—դրանք են «Times», «Daily-News» և «Standard»-ը. ապա թէ ոչ ինչ կը լինէր մեզ նման մի աքցաններով հարուստներից կոսիկներ պոկող՝ ազգի հայր, եթէ պէտք լինէր «ոսկեայ հորթին» մէջ տեղ ձգել, մեր իրաւունքները խնդրելու համար...

* * «Մուրճը» սկսել է նոր բանաստեղծներ գոյացնել, որոնք աստղերն են զոգողացնում, շարժում իրենց տեղից. չէք հաւատում, կարգապէս «Մուրճ» № 2 մի ոմն նոր բանաստեղծ Դերենիկ Դիմերճեանի սոյն տողերը (եր. 259):

Աստղերը, որպէս վաղան կերտներ:

Լուս զոգողում են դառնալով քամուց...

Աստղերը այդպէս, զոգողացնել և այն էլ քամուց... ո՛հ, ինչ գիտնական մարդ է այդ բանաստեղծը. հարկաւոր է, նրա օգտին, փոխել Կէպլերի Լապլասի ևայլ գիտնականների տիեզերքի սիստեմի ենթադրութիւնը և ընդունել, որ աստղերը զոգողում են Դերենիկ Դիմերճեանի բանաստեղծական «դառնաշունչ քամուց»... Բայց մէկն ասենք և միւսը չը մոռանանք. «Մուրճը» ունի նաեւ սիրուն ոտանաւորներ, որպիսիքն են № 1-ում Յակովբ Յակովբեանի «Բիւրդի Շուլին»-ը, որ լիեցնում է Գէօթէի սառսուռ ազդող Erlkoning (Անտառային արքայ) բանաստեղծութիւնը: Իսկ № 2-ում Ա. Ծառուբեանի հետեւեալ ոտանաւորը, որ արժէ ամբողջապէս մէջ բերել:

Քեզ համար է իմ տանջանք,
ձմարտութեան զաղափար!
Թող քեզ զոհուի մատաղ կեանքս—
Ես ապրում եմ քեզ համար!
Կեանքի կովում քանիցս անգամ
Ես քեզ պաշտպան կանգնելով—
Հալածեցին ինձ անդամ
Մարդիկ—ոյժս ծաղրելով...
Հոգով աղքատ, մտքով աւար—
Նոքա իմ ձայնի անաշառ
Չմտ ջանացին իրողիկ իտպան...
Սխալվեցին շարաշար!
Եւ երբ նոցա սև սրտերին
Խօսքս դիպաւ, որպէս նետ,
Նոքա փրփուր քերաններին,
Թո՛յն խառնեցին հացիս հետ...
Բայց դու յուզիր, յուզիր կեանքս,
ձմարտութեան զաղափար!
Դու ես իմ ոյժն, իմ եռանդն,
Ես ապրում եմ քեզ համար!

Մեր սրտինքն է խօսում բանաստեղծը. էհ այն, «Քեզ համար է իմ տանջանքըս ճշմարտութեան գաղափար»....

«Մուրճի» միւս յօդածներէ մէջ աչքի է խփում Վ. Փափագեանցի «Նամակներ Անգլիայից» II նամակը, ուր բանաստեղծական կերպով նկարագրելով գոթական ճարտարապետութիւնը, զայլով թէ արտայայտում այն թշուառ պատարի դէմ որին մարդկային ուղեղը հասնելուց յետոյ, կանգ է առնում:

Սահման...—գոչում է նա—այդ բանի գոյութիւնն ստորացուցիչ է: Իւրաքանչիւր սահման, լինի նա գոթութեան դրածոն իսկ, մի բռնաւորական ձգտումն է»:

Ամսագրի խմբագիրը «սահման» բառը limite բառն է ընդունել և դիտողութիւն է անում յօդածագրին մէջ բերելով Կանտի խօսքերը, մինչ յօդածագիրը «սահման բառը» «borne, lien» բառի փոխարէն է գործածել (որ սխալ է, այնք է պատար գործածել) և զրա համար է որ քիչ հեռու նա ձայնում է «Գոհ չը լինենք երբեք. այդ տեսակ ապստամբութեան, դժգոհութեան մէջն է գոթութեան և մարդկութեան պրօգրէսը... վայ նրան ով սահման (պատար) է սիրում, գոհ է և կշտանալ գիտէ»...

ԱՐՏԱՔԻՆ ԼԵԻՐԵՐ

—Րէյստագը ընդունեց փետրվարի 8-ին այն օրինադիրը, որով վերանում է ժողովաների արտաքսման օրէնքը: Եզրիտները ուրեմն պեռ մնում են այդ երկրում:

—Փրանսական թերթերը հաղորդում են մի նոր գիտնականի մասին: Մի Դոմինիկան վարդապետ հնարել է գրաշարութեան մեքենայ որ մի ժամում 50000 տառ է շարում: «Figaro» թերթը մանրամասն նկարագրում է մեքենան. 4. Պոլսի «Հայրենիք» թերթը թարգմանել է այդ նկարագրութիւնը:

—Հոռոմից հեռագրում են «Daily Cronicle» լրագրին, որ հաստատ աղբիւրներից դուրս եկող լուրերը յայտնում են թէ եռակի դաշնակցութիւնը, երեք տէրութիւնների մէջ, այս ատրի նորոգելու է, պատերազմական մի աւելի ընդարձակ պայմանագրութիւնով: Ասում են որ դաշնագրութիւնը հրատարակելու է:

—Խօլերիան շարունակվում է Կ. Պոլսում:

—Հիւսիսային և Բալթիկ ծովերը միացնելու ջրանցքը բացելու է, շատ տէրութիւններ մտնակցելու են նրա բացման հանգէսին. ներկայ են լինելու շատ ինքնակալներ և նաւատորմիկներ: Զբանցքը սկսել է պեղել 1889 թուին, երկարութիւնն է 98 քիլոմետր յայտնութիւնը 22—26 մետր և խորութիւնը 9 մետր. նա մատչելի է բոլոր նաւերին, պեղելու ծախս է եղել 175 միլիոն: Զբանցքի եզերքները միացրած են երկու մեծ երկաթեայ կարմուխներով, որոնց տակից ազատ կարող են անցնել ամեն տեսակ նաւեր:

—Ինֆլուէնցիան տարածվում է նոյնպէս Պետերբուրգում, առաջին մեծ զոհը եղել է ռուս յայտնի գրող Ալկովը:

—Լինտհէյում, փետր. 25-ին վախճանվել է աստրոնոմիկան յայտնի գրող Զախէր-Մագոբը, որի գեղարվեստներից հայտնի թարգմանած կայ

միայն «Գայէնի կտակը» Բաֆֆիի թարգմանութեամբ:

ԽԱՌՆ ԼՈՒՐԵՐ

Մի առաջարկութիւն անտեսագէտներին:—Թէհրան եկած վարդապետը իր մի քարոզում նկատեց, որ Թէհրանի հայ ժողովուրդը վերջին տարիներում նիւթական բարգաւաճ դրութեան մէջ է գտնուում. խորհուրդ ենք տալիս բոլոր անտեսագէտներին ժողովրդի անտեսական վիճակի մասին ճիշտ տեղեկութիւն հաւաքելիս միշտ դիմել վարդապետներին և քահանաներին, որովհետեւ սրանք ամենից ճիշտ տեղեկութիւնը կարող են ունենալ այդ մասին:

Մի կարեւոր նախագիտութիւն նուիրատուներին:—Նուիրատուութիւնից առաջ մանրակրկիտ խուզարկութեան ենթարկեցէք նուիրահաւաքի գրպանները և եթէ այս վերջիններս ծակ յայտնեն, որ շատ յաճախ է պատահում մեր մէջ, ամուր կաշով կարկատել տւէք: Անկարելի է թելել այն բոլոր վնասները, որոնք առաջ են գալիս այդ կարեւոր նախագիտութիւնն անհագութեամբ գանգ առնելուց: Մենք երկի շուտով միջոց կանենանք հազարաւոր այդպիսի դժբաղդ դէպքերից մէկը արձանագրելու:

Նիշ.

ՀԵՌԱԳԻՐՆԵՐ

Լոնդոն. 24 մարտ (ն. տ.) Ամբողջ Բրիտանիայում պատահել է սաստիկ փոթորիկ երէկ և այսօր. մի քանի նաւերի կորուստը յայտնվում է, մի քանի մարդիկ էլ Լոնդոնում և շրջակայքում մնացել են քանդուղ պատերի տակ:

Եօկահամայ. 25 մարտ Հաւատացնում են որ Լիհուեզ Զանգին տւած վերքը թեթեւ է: Միկազօն և ժապոնական մինիստրները իրենց խորին ցաւակցութիւնն են յայտնել այդ նախատինքի համար. Միկազօն իր անձնական բժիշկն ուղարկել է վիրաւորին ծառայելու համար:

Լոնդոն. 27 մարտ Վերջապէս ժապոնացիք յաջողեցին Պետկազօրում ցամաք իջնել և գրաւեցին մի քանի կէտեր:

Բեռլին. 27 մարտ Ինչպէս կարգադրւած էր, գերմանական կայսրը գնաց Բիսմարկին այցելութեան երէկ, նրա 80-րդ տարեդարձի առթիւ:

Բեռլին. 28 մարտ Herr Buol, կղերականների պատգամաւորը, ընտրւեց ընդխտագի պրեզիդենտ:

Լոնդոն. 28 մարտ Սպանեական կառավարութիւնը եռանդուն պատրաստութիւն է տեսնում Կաբալում խեղդելու համար լեզափոխութիւնը. 7000 զօրք անմիջապէս ուղարկւեց այդ կղզին:—Լուր է հասնում որ վարակիչ հիւանդութիւնները մեծ կոտորած են անում չինացոց մէջ:—Խօլերա է ընկել Պորտ-Աւրիլը ամբացնող զօրքի մէջ. շատեր մեռել են. ժապոնացիք զգուշութիւններ են ձեռք առել հիւանդութեան դէմ: Բեռլինական կառավարութիւնը 7000 պահակաւոր զօրք գէնքի կանչեց այն շարժման դէմ դնելու համար որ աւելի ոյժ է ստանում սոցիալիստների շնորհիւ գործաւոր գոսակարգի մէջ:

Եօկահամայ. 28 մարտ Ալկովը վրէժ է

որ Լիհուեզ-Զանգը շուտով կառողջանալ և կը սկսի խաղաղութեան բանակցութիւնները:

Լոնդոն. 28 մարտ Փրանսական երկու էկսպէդիցիաներ են երեւել Նիգերի գետաբերանի մօտ. Սըր Գրէյ համայնքների ժողովում տրւած մի քանի հարցերին պատասխանեց որ անմիջապէս պիտի Փրանսական կառավարութիւնից բացազրութիւն խնդրէ այդ էկսպէդիցիաների համար: Այստեղ հասած լուրերը հաստատում են որ զի ազուլը տեւելու է մինչև ապրիլ 20-ը: Եթէ մինչև այդ ժամանակ խաղաղութեան բանակցութիւնները անյաջող եղան, երկու կառավարութիւնները նոր գնդեր դուրս կը բերեն:

Լոնդոն. 29 մարտ. Համայնքների պալատում Սըր Ե. Գրէյ պատասխանելով մի հարցի ասաց որ անմիջապէս կը ծանուցի Փրանսական կառավարութեան զադիական երկու էկսպէդիցիաների ներկայութեան համար այն հողերի վրայ, որոնք գտնվում են անգլիական արքայական Նիգերի ընկերութեան հովանաւորութեան տակ: Սըր Պատրիկ Գրանդ Էտլ. Գրէյ և արտաք. գործոց փոխսեկրետարը կարեւոր ծանուցումներ տրին անգլիական և Փրանսական յարաբերութիւնների մասին: Լուրերի համեմատ, Փրանսացիների Նիգերում երեւած լինելը լուրջ կերպարանք ունի, բայց Անգլ. կառավարութիւնը դեռ սպասում է իր Փրանսիային ուղղած զեկուցման պատասխանին: Ե. Գրէյը վերջապէս իր խօսքը ժողովում, յայտնեց որ կաշխատի միշտ բարեկամ մնալ Փրանսիայի հետ:

Եօկահամայ 30 մարտ. Լեհուեզ Զանգին եղած նախատինքի փոխարէն Միքատօն (ժապոնիայի թագաւորը) հրամայել է անպայման զինադուլ անել մինչև խաղաղութեան դաշինքների վերջաւորութեան հասցնելը: Լորդ Կիմբրլէյ երէկ ընդունեց հայերի դրութիւնը բարեփոխելու համար կազմած պատգամաւորութիւնը, զժաւորութիւններ յայտնեց այդ խնդրի համար, վախենալով որ դրանով արեւելեան հարցը կը զարթնի նորից: Լորդը յայտնեց որ Ռուսիան և Փրանսիան պիտի համոզւած լինէին որ մի մշտական դարման կարեւոր է այդ խնդրի համար:

Փարիզ. 30 մարտ: Փրանսական թերթերը խօսելով Սըր Գրէյի Համայնքների ժողովում խօսածների մասին, յայտարարում են որ Փրան. կառավարութիւնը ճանաչում է եզրիպտական իրաւունքը վերին Եզրիպտոսում և ուրիշ ոչոքինը:

Փարիզ 30 մարտ. Միկատօնի հրովարտակով հրամայւած զինադադարի հիման վրայ, ժապոնացիք պիտի պահեն բոլոր իրենց գրաւած դիրքերը:

Լոնդոն 31 մարտ. Այն ժամանակահից որ Բ. գուռը թույլագրել է թերթերի թղթակիցներին Հայաստան մտնել հաստատվում են բոլոր տեղերում եղած բարբարոսութիւնները. «Times»-ի սեփական յատուկ թղթակիցը կոտորածների թիւը 10000-ի է հասցնում: Երէկ որոշւեց յատուկ ժողով հրաւիրել: Լորդ

Ռօզբէրին գնաց Լոնդոն, ներկայ լինելու այն միտինգին որ կուգել է «Հայկական և Նիգերի հարցերի» մասին վիճաբանելու համար:

Երտօնատէր—Հրատարակիչ

ՄԵԴԻԱՍ ԲԵՆԵՍԱՐԵԱՆՑ

ՅԱՅՏԱՐԱՐՈՒԹԻՒՆՆԵՐ

Դավրէժու «Դպրոցական Բարեսիրական» ընկ. վարչութիւնը յայտարարում է հետեւեալ նուիրատուաց ցանկն, որոց վարչութիւնս, հրապարակօրէն իր խորին շնորհակալութիւնն է յայտնում:

Պ. պ. Վ. Վարդանեանցից. 30 դռան, Յ. Ա. Ֆոտանդիւեանց 30 դ., Յ. Յովակիմեանց 30 դ., Ա. Մ. Եղիանց 30 դ., Ս. Բժշկեանց 10 դ., Ա. Տ. Զաքարեանց 20 դ., Յ. Բալեանց 20 դ., Խ. Խաչատուրեանց 10 դ., Տ. Մ. Աստուածատուրեանց 30 դ., Բ. Տ. Գրիգորեանց 5 դ., Մ. Թուրաբեանց 30 դ., Գ. Ալ. լահիբեանց 10 դ., Զ. Միրզայեանց 10 դ., Յ. Սրապեանց 10 դ., Ն. Յովսէփեան 5 դ., Ա. Ասծատուրեանց 10 դ., Օ. Տակովեանց 5 դ., Հ. Յովհաննէսեանց 10 դ., Մ. Վարդանեանց 10 դ.: Ընդհանուր գումարն է 315 դռան: Վարչութիւն «Դպրոցական Բար. Ընկ.

ՀԱՇՈՒԷԿՇԻՌ

ԴՊՐՈՑԱԿԱՆ ԲԱՐԵՍԻՐԱՆՑ, ԸՆԿ.

1894 յունիսից մինչև ց'31 դեկտեմբերի 1894 թուի

ՊԱՀԱՆՁՔ

Տօկոսով է դրված	750 դ.	—	կոպ.
Զանազան պահանջք	66 »	80 »	
Ապառիկ անդամավճարք	76 »	80 »	
Կարասիք	77 »	80 »	
Պատրաստի ապրանք	330 »	— »	
Պատրաստի դրամք	100 »	80 »	
	1402 »	20 »	

ՊԱՐՏԻՔ

Պ. Սարգսեանցին պարտւմք 2 դ.	20 կոպ.
Դրամագլուխ	1400 »
	1402 » 20 »

ԵՂԱԾԱԽՔԵՐ

Տան վարձք	100 դ.	—	կոպ.
Զանազան ծախքեր	70 »	15 »	
1894 սեպտեմբերի 1-ից մինչև դեկտեմբերի վերջ ընկ. ունեցած ձրիավարժ աշակերտների համար եղած ծախք, գիրք թանաք, գրիչ, մատիտ, թուղթ և այլն և այլն	285 »	60 »	
Ընդհանուր գումարն է	455 »	75 »	

Երկու տարի է որ եղբայրս Դաւիթ Զահվերդեան, երբեմն նազարեկեան, անուամբ անհետացել է. ինչպիսիք եմ, եթէ որ և իցէ անձնաւորութիւն իմանում է նրա տեղը, ինչ իմաց տայ «Զաւիղի» միջոցով, մինչև իսկ եթէ մեռած լինի: Նրա կերպարանքը սա է. 20 տարեկան, սև աչքերով, լիք և կարմիր երեսով. սև մազերով մի երիտասարդ է, ինքն էլ Դաւիթեցի: Որով պարտաւորեցած շնորհակալութիւնս կը յայտնեմ «Զաւիղի» միջոցով: